



**ԲԱՐՁՐԱՍՏԻՃԱՆ ՊԱՇՏՈՆԱՏԱՐ ԱՆՁԱՆՑ ԷԹԻԿԱՅԻ
ՀԱՆՁՆԱԺՈՂՈՎ**

Թիվ ՎԻՎ/02/2019

Ո Ր Ո Շ ՈՒ Մ

ք. Երևան

16.01.2019թ.

**ՎԱՐՉԱԿԱՆ ԻՐԱՎԱԽԱԽՏՄԱՆ ՎԵՐԱԲԵՐՅԱԼ ԳՈՐԾԻ
ՎԱՐՈՒՅԹ ՀԱՐՈՒՑԵԼՈՒ ՄԱՍԻՆ**

Բարձրաստիճան պաշտոնատար անձանց էթիկայի հանձնաժողովը, նախագահությամբ՝ Ս. Սահակյանի, մասնակցությամբ՝ Ա. Խուդավերդյանի, Լ. Պետրոսյանի, Ա. Սարգսյանի, Է. Շաթիրյանի (այսուհետ՝ Հանձնաժողով),

իրականացնելով «Հանրային ծառայության մասին» ՀՀ օրենքի 43-րդ և 43.1-ին հոդվածներով Հանձնաժողովին վերապահված գործառույթները,


ՀՀ էջմիածին համայնքի նախկին ղեկավար Կարեն Մանվելի Գրիգորյանի կողմից պաշտոնեական պարտականությունները դադարեցնելու օրվա դրությամբ առկա գույքի, եկամուտների և փոխկապակցված հայտարարագիրը (այսուհետ՝ հայտարարագիր) չներկայացնելու համար Վարչական իրավախախտումների վերաբերյալ ՀՀ օրենսգրքի 169.28-րդ հոդվածի 1-ին մասով նախատեսված «նախազգուշացում» վարչական տույժ կիրառելու մասին Հանձնաժողովի 2018 թվականի նոյեմբերի 16-ի թիվ ՎԻՎ/411/2018 որոշումը ստանալուց հետո 30 օրյա ժամկետում հայտարարագիրը Հանձնաժողով չներկայացնելու հետ կապված հայտնաբերվել է Վարչական իրավախախտումների վերաբերյալ ՀՀ օրենսգրքի 169.28-րդ հոդվածի 2-րդ մասով (սույն հոդվածի 1-ին մասով նախատեսված վարչական տույժի կիրառումից հետո՝ 30 օրվա ընթացքում, հայտարարատուի կողմից հայտարարագիրը չներկայացնելը) նախատեսված առերևույթ իրավախախտման հատկանիշներ:

Իրավախախտման առկայությունը, այն կատարելու փաստական հանգամանքները, առերևույթ վարչական իրավախախտում կատարած անձի մեղավորությունը պարզելու, ինչպես նաև վարչական իրավախախտում կատարած անձին վարչական պատասխանատվության ենթարկելու հարցի քննության համար Հանձնաժողովը, ղեկավարվելով Վարչական իրավախախտումների վերաբերյալ ՀՀ օրենսգրքի 244.17-րդ հոդվածով, «Հանրային ծառայության մասին» Հայաստանի Հանրապետության օրենքի 43-րդ հոդվածի 1-ին մասի 7-րդ կետով և 43.1-ին հոդվածի 5-րդ մասով՝

Ո Ր Ո Շ Ե Ց

Հարուցել վարչական իրավախախտման վերաբերյալ գործի թիվ ՎԻՎ/02/2019 վարույթը և նշանակել վարչական իրավախախտման վերաբերյալ գործի քննություն, որը տեղի կունենա 2019 թվականի հունվարի 23-ին, ժամը 11:10-ին, Բարձրաստիճան պաշտոնատար անձանց էթիկայի հանձնաժողովում (հասցե՝ ք. Երևան, Բաղրամյան պողոտա 24, 3-րդ հարկի դահլիճ, հեռ. 010524689):

ՀԱՆՁՆԱԺՈՂՈՎԻ ՆԱԽԱԳԱՀ



Ս. ՍԱՀԱԿՅԱՆ